

ASUNTU NE'EBÉ PRESIZA TAU ATENSAUN

- ▶ Konflitu entre joven ho asaun violénsia
- ▶ Asaun violénsia entre Oknum Polísia Batalaun Orden Públiku (BOP) ho oknum Polísia Unidade Task Forces
- ▶ Mane kaben nain rua baku malu tanba joga karta/poker

KONFLITU ENTRE JOVEN

Iha 12 Juñu 2014, iha Aldeia Sau, Suku Sau, Subdistritu Manatuto. Joven mane grupu ida husi Aldeia Obrato fila husi Igreja depois participa festa St. António nia loran. Iha dalan joven mane grupu ida husi Aldeia Saulidun ne'ebé tur iha Estrada laran halo provokasaun no baku joven sira husi Obrato, maibé sira la halo reasaun. Impaktu husi insidente ne'e mak joven mane nain lima husi Obrato hetan kanek kma'an. Kontinuasaun husi insidente ne'e, iha dia 13 Juñu 2014, joven mane husi Aldeia Obrato ba tuir serimonia kulturál tuda sanan rai iha festa St. Antonio no bainhira sira fila, joven mane grupu husi Aldeia Saulidun asalta joven mane grupu husi Obrato. Hafoin joven mane grupu husi Obrato foti katana ne'ebé negociante sira fan hodi duni joven mane sira husi bairu Saulidun no halo ameasa fiziku no ameasa verbál. Polísia mai halo atuasaun hodi pistol tirusae datoluk hodi hafahe parte rua no Impaktu mak; comunidade ne'ebé hela iha fatin insidente halai husi sira ida idak nia fatin hanesan; ema ne'ebé fa'an sasan iha Estrada ibun, sira ne'ebé hela besik iha Estrada ibun no comunidade seluk ne'ebé mak fila husi Misa.

Hafoin bainhira situasaun normál comunidade sira fila fali ba ida idak ninia uma. Sorin seluk, Belun halo verifikasaun ba dados katak, Insidente ne'e aprosima ona husi Xefi Aldeia Obrato, Xefi Joventude Suku nian, maibé seidak iha solusaun ba insidente refere tanba parte ida seidak aseita parte seluk nia pedidu ba rezolve konflitu. Ho ne'e relasaun parte rua seidak di'ak tanba seidak iha solusaun ba konflitu refere.

Totál insidente fulan Juñu 2014	
Distritu	Insidente
Aileu	1
Ainaro	0
Baucau	3
Bobonaro	3
Covalima	2
Dili	20
Ermera	4
Lautein	0
Likisá	3
Manatuto	4
Manufahi	6
Oekusi	5
Vikeké	3
Totál	54

ASAUN VIOLÉNSIA ENTRE OKNUM POLÍSIA UNIDADE BATALAUN ORDEN PÚBLIKU (BOP) HO OKNUM POLÍSIA UNIDADE TASK FORCES

Iha dia 24 Juñu 2014, iha Aldeia Rosario, Suku Comoro, Subdistritu Dom Aleixo. Oknum Polísia ida halo asalta verbál ba mane ida nu'udar konduktor taxista. Motivu husi insidente ne'e mak mane nu'udar konduktor taxista ne'e kontra sinais trânzitu tanba ne'e mak oknum BOP ne'e bolu atu konduktor ne'e para, maibé konduktor ne'e ho kareta halai liu tiha. Hafoin iha dia 27 Juñu 2014, mane taxista ne'e ba para besik postu BOP iha Rotunda- Comoro, maibé para la tuir sinál trânzitu tanba ne'e mak oknum BOP ne'e halo asalta fiziku ba konduktor taxista ne'e. Hafoin ne'e, konduktor ne'e halo xamada via telemovel ba nia patraun hanesan taxi nain, ne'ebé nu'udar mós membru PNTL divizaun Task Force hodi mai fatin insidente no asaltu fisiku hodi basa oknum Polísia BOP ne'e, tanba ne'e mak oknum BOP ne'e kontaktu kuartel BOP, hodi membru BOP sira mai asalta oknum Polísia Task Force ne'e iha kuartel PNTL Eskuadra Comoro. Impaktu husi insidente ne'e mak oknum Polísia Task Force ne'e hetan kanek iha liman sikun tanba rasta husi oknum BOP ida.

Insidente ne'e hetan atuasaun husi Komando BOP no Task Force hodi submete membru BOP no Task Force ne'e ba investigasaun no kontinua haruka ona ba Ministériu Públiku hodi prosesa tuir lei ne'ebé vigor.

MANE KABEN NAIN RUA BAKU MALU TANBA JOGA KARTA/POKER

Iha dia 7 Juñu 2014, insidente akontese iha Aldeia Balibo, Suku Balibo, Subdistritu Balibo, Distritu Bobonaro. Mane nain rua ne'ebé nu'udar membru família, hemu tua no joga karta hamutuk ho mane nain rua seluk ne'ebé nu'udar sira nia kolega. Hafoin tanba taru osan barak no lakon mane ida seluk hahu halo asalta verbál ba mane seluk ne'ebé sei iha relasaun família ho mane ne'e. Mane ne'e halo reasaun hodi sira nain rua baku malu no impaktu ba sira nain rua hetan kanek hotu. Ida kanek iha ulun no ida seluk fali hetan kanek iha oin. Polísia Eskuadra Balibo halo kedas kapturasaun ba parte rua hodi hatama iha sela durante oras 24, hafoin iha loran tuir mai Polísia aprosima parte rua hodi hamutuk ho Xefi Suku no família parte rua, hodi rezolve kedas insidente ne'e no relasaun parte rua di'ak malu fali ona.



USAID
HUSI POVO AMERICANO




Belun
Hamutuk Hakbi'it Komunitade




KARATERÍSTIKA INCIDENTE

Totál incidente ne'ebé reporta husi Juñu 2013 - Juñu 2014




Tipu violensia




Insidente Fatin



Saida Mak Hun Abut







Se Mak Hahu/ Halo Violensia



Metode Violensia





ATIVIDADE PREVENSAN NO RESPONDE BA KONFLITU

Atividade Ne'ebé Halao Husi Ekipa Demokrasi no Dezenvolvimentu liu husi Asaun Media no Hakbi'it (DAME)

- ▶ Iha dia 26 to'o 27 Juñu 2014, Rede Prevensaun no Responde Konflitu (RPRK) Subdistritu Pasabe, hetan treinamentu ho topiku ba mak oinsa hakerek Proposta no Lideransa; partisipantis sira ne'ebé partisipa mak Estrutur arede no membru Rede.
- ▶ Iha dia 26-27 Juñu 2014, Subdistritu Lospalos hala'o mós atividæ treinamentu ba Rede Prevensaun no Responde Konflitu (RPRK) mai husi Subdistritu 3 mak hanesan Lospalos, Lautem no Tutuala. Topiku ba treinamentu mak oinsa hakerek Proposta no Lideransa.

Atividade Ne'ebé Hala'o Husi Ekipa Atensaun no Responde Sedu (AtReS)

- ▶ Iha dia 2 – 4 Juñu 2014, Belun liu husi programa AtReS fasilita treinamentu durante lora 3 ba monitor nain 10 (feto 8, mane 2) husi Distritu 5, akompañã mós husi Kórdenador Distritu.

- ▶ Iha dia 23 – 27 Juñu 2014, Belun liu husi programa AtReS fasilita treinamentu durante loron 5 kona-ba modul transformasaun konfliktu 1-2. Totál partisipante treinamentu ne'e nain 15, feto 9 mane 6. Monitores nain 15 mai husi Distritu 8.
- ▶ Iha dia 30 Juñu 2014, Rede Prevensaun no Responde Konfliktu (RPRK) Subdistritu Lacro distritu Manatuto, implementa planu asaun resposta ba iha comunidade Subdistritu Lacro iha Suku Hohorai, kona-ba SosIALIZASAN Prevensaun Konfliktu liga ba problema rai, violénsia domestika.

Atividade Ne'ebé Hala'o Husi Ekpa Mediasaun no Rezolusaun Disputa (MRD)

- ▶ Iha dia 10 Juñu 2014, Ekpa MRD hala'o enkontru ho autoridade lokál no lider komunitariu iha Subdistritu Baucau. Objetivu husi sorumutu ne'e mak hametin kooperasaun entre Belun ho autoridade lokál no lider komunitaria sira hodi apoiu ba rezolusaun disputa rai iha Distritu Baucau.
- ▶ Iha dia 20 Juñu 2014, Iha Subdistritu Maliana, MRD enkontru hamutuk ho Diresaun Terras e Propriedades Servico Cadastrais Distritu Bobonaro, hamutuk ho Lider lokál sira no comunidade. Enkontru ne'e ho objetivu atu dezamina informasaun kona-ba alternativu rezolusaun disputa rai iha comunidade, hodi nune'e enkoraza disputante sira atu bele rezolve problema rai liu husi dalan Mediasaun.

KONA-BA REVISTA NE'E

Revista situasaun ne'e relata kona-ba asuntu xave relasiona ho insidente violénsia no tendensia husi koleksaun dadus monitorizasaun liu husi Sistema Atensaun no Responde Sedu (AtReS) Timor-Leste durante Juñu 2014. Belun esforsu atu fahe informasaun ne'ebé up-to-date no serteza. Hanoi katak situasaun bele hetan mudansa ho lalais, ami agradese no simu informasaun seluk ne'ebé bele karifika ka update dadus ne'ebé ami iha liu husi AtReS.

Atu klaru liu bele kontaktu ba:

Marilia O. da Costa, Manajer programa AtRes: bylah.belun@gmail.com (+670 7727 6671)

Pedro de Araujo dos Santos, Ofisiál Política Publiku: pedroa.belun@gmail.com (+670 7700 1421)